

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-1-328-15/23

Datum: 08.05.2024. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku o **klasterske akreditacije studijskih programa prvog i drugog ciklusa studija Tehnološkog fakulteta Univerziteta u Tuzli**, a na osnovu mišljenja Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o klsterskoj akreditaciji studijskih programa prvog i drugog ciklusa studija Tehnološkog fakulteta Univerziteta u Tuzli (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i obezbjeđivanje kvaliteta (u daljem tekstu: Agencija) daje:

PREPORUKU

o akreditaciji studijskih programa prvog i drugog ciklusa studija Tehnološkog fakulteta Univerziteta u Tuzli, i to **sljedećih studijskih programa:**

- 1) **Inženjerstvo zaštite okoline I ciklus**
- 2) **Inženjerstvo zaštite okoline II ciklus**
- 3) **Hemijsko inženjerstvo i tehnologija I ciklus**
- 4) **Hemijsko inženjerstvo i tehnologija II ciklus**

O b r a z l o ž e n j e

Ministarstvo obrazovanja i nauke Tuzlanskog kantona (u daljem tekstu: Ministarstvo) dostavilo je 12.07.2023. godine Prijedlog članova Komisije domaćih i međunarodnih stručnjaka za ocjenjivanje i reviziju kvaliteta i davanje preporuka za klstersku akreditaciju studijskih programa prvog i drugog ciklusa studija Tehnološkog fakulteta Univerziteta u Tuzli, broj: 10/1-34-015166-1/23 od 07.07.2023. godine, a kojim je predložen minimalan broj članova Komisije stručnjaka po svakoj kategoriji. U prilogu pomenutog Prijedloga, pored propisane dokumentacije potrebne za provođenje postupka klsterske akreditacije studijskih programa dostavljeni su Zahtjev za klstersku akreditaciju studijskih programa prvog i drugog ciklusa studija Univerziteta u Tuzli, broj: 01-3686-1/23 od 26.06.2023. godine; Odluku Senata o usvajanju samoevaluacijskog izvještaja; Samoevaluacijski izvještaj sa priložima (jedna štampana verzija i elektronska verzija na USB stiku, na jednom od službenih jezika u BiH i engleskom jeziku) i Ovlaštenje osobe za komunikaciju sa Ministarstvom, Agencijom i

www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

Komisijom. Navedenim prijedlogom je predloženo da Agencija imenuje Komisiju stručnjaka koja će obaviti posjetu studijskim programima navedenim u tački 2. ovog Rješenja i na osnovu utvrđenog stanja, dati preporuku o ishodu akreditacije sljedećih studijskih programa: Inženjerstvo zaštite okoline (I ciklus), Inženjerstvo zaštite okoline (II ciklus), Hemijsko inženjerstvo i tehnologija (I ciklus), Hemijsko inženjerstvo i tehnologija (II ciklus).

Razmatrajući dostavljeni Prijedlog i prateću dokumentaciju Agencija je utvrdila određene manjkavosti dostavljenog Prijedloga, te je od pomenutog Ministarstva zatražila dopunu zahtjeva u smislu predlaganja stručnjaka (kategorija student) zbog skorog završetka studija predloženog studenta. Dana 23.08.2023. godine nadležno Ministarstvo je odgovarajući na zahtjev Agencije dostavilo dopunu prijedloga članova Komisije domaćih i međunarodnih stručnjaka za klastersku akreditaciju studijskih programa prvog i drugog ciklusa studija Tehnološkog fakulteta Univerziteta u Tuzli, broj: 10/1-34-015166-2/23 od 23.08.2023.godine.

Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, Agencija je imenovala Komisiju stručnjaka Rješenjem broj: 05-33-1-328-3/23 od 13.09.2023. godine.

Dana 23.10.2023. godine predsjednik imenovane Komisije stručnjaka je putem elektronske pošte, u prilogu koje je dostavljena kompletna korespodencija svih članova Komisije stručnjaka, detaljno obrazlažući razloge obavijestio predstavnicu nadležnog Ministarstva o činjenici da imenovani članovi Komisije stručnjaka nisu spremni nastaviti sa daljim radom u predmetnom postupku akreditacije zbog uslova iz ugovora kojeg im je ponudilo nadležno Ministarstvo. S tim u vezi, Agencija je od nadležnog Ministarstva dopisom, broj: 05-33-1-328-7/23 od 26.10.2023. godine, zatražila informaciju o eventualno postupanju Ministarstva po navedenom e-mailu predsjednika Komisije stručnjaka, odnosno dostavljanje novog prijedloga članova Komisije stručnjaka, a to sve u cilju nastavka predmetnog postupka akreditacije.

Dana 24.11.2023. godine nadležno Ministarstvo je dostavilo informaciju, broj: 10/1-34-015166-3/23 od 20.11.2023. godine, kojom obavještava Agenciju da su svi članovi Komisije stručnjaka, izuzev jednog imenovanog člana, odustali od članstva u ranije imenovanoj Komisiji stručnjaka. Nakon toga, Agencija je donijela Rješenje, broj: 05-33-1-328-9/23 od 01.12.2023. godine, kojim se stavlja van snage Rješenje o imenovanju Komisije stručnjaka, broj: 05-33-1-328-3/23 od 13.09.2023. godine.

Dana 13.12.2023. godine je od strane nadležnog Ministarstva zatražen novi prijedlog članova Komisije stručnjaka za klastersku akreditaciju studijskih programa prvog i drugog ciklusa studija Tehnološkog fakulteta Univerziteta u Tuzli, nakon čega je nadležno Ministarstvo postupajući po prethodnom dopisu Agencije dostavilo novi prijedlog članova Komisije stručnjaka.

Postupajući u skladu sa propisanim nadležnostima i relevantnim aktima Agencija je dana 15.01.2024. godine donijela odgovarajuće Rješenje o imenovanju Komisije stručnjaka, broj: 05-33-1-328-12/23.

Dana 29.04.2024.godine u Agenciji su zaprimljeni izvještaji Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o klsterskoj akreditaciji studijskih programa prvog i drugog ciklusa studija Tehnološkog fakulteta Univerziteta u Tuzli (u daljem tekstu: Izvještaji) i protokolirani pod brojem: 05-33-1-328-13/23, u kojim Komisija stručnjaka na osnovu ukupne ocjene kvaliteta, **daje mišljenje o ishodu klsterske akreditacije studijskih programa prvog i drugog ciklusa studija Tehnološkog fakulteta Univerziteta u Tuzli.**

Uvidom u dostavljene izvještaje, utvrđeno je sljedeće:

- formalna cjelovitost izvještaja,
- da su izvještaji napisani na jednom od službenih jezika u Bosni i Hercegovini, te
- da su u skladu sa Odlukom o normama i Odlukom o kriterijima za akreditaciju studijskih programa prvog i drugog ciklusa studija u BiH.

U skladu s Odlukom o normama, Komisija stručnjaka je u pomenutim izvještajima ocjenila ispunjenost svih deset kriterija kao potpuno ili znatno ispunjeni, kako je to propisano Odlukom o normama, za studijske programe kako slijedi:

- 1) **Inženjerstvo zaštite okoline I ciklus**
- 2) **Inženjerstvo zaštite okoline II ciklus**
- 3) **Hemijsko inženjerstvo i tehnologija I ciklus**
- 4) **Hemijsko inženjerstvo i tehnologija II ciklus**

Komisija za davanje preporuka je nakon individualnog analiziranja dostavljenih izvještaja, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), razmijenila stavove i zapažanja, te zaključkom predložila direktoru Agencije da postupi u skladu sa članom 5. stav (1) Instrukcije, a prema mišljenju Komisije stručnjaka o ishodu akreditacije navedenih studijskih programa Univerziteta u Tuzli.

Visokoškolska ustanova bi trebala po prijemu rešenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa Odlukom o normama i propisima nadležne obrazovne vlasti.

Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima,
- vremenski okvir za realizaciju preporuka kao i potrebne finansijske i ljudske resurse,
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenja o akreditaciji za **navedene studijske programe** te ista dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom

www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

obrazovanju BiH, a sve u svrhu upisa navedenih studijskih programa u Državni registar akreditovanih visokoškolskih ustanova u Bosni i Hercegovini.

Direktor


Prof. dr. Enes Hašić

Dostaviti:

- *Ministarstvo obrazovanja i nauke Tuzlanskog kantona*
- *Univerzitet u Tuzli*
- *Sektor 05*
- *ala*

